

KUÑA PARAGUÁI REFLEXIÓN DE 5'
VERSIÓN RESUMIDA NÚMERO 54
MBO'EPY: PETEĨ MENTOR, MENTORA REMBIAPO – SY ESPIRITUAL.

TEMA: Siendo una mentora- Madres Espirituales.

Resumen: En las Lecciones para la Vida hablaremos de la tarea de ser mentora y cómo podemos aprender de otra persona más experimentada. Podemos compartir nuestra propia experiencia con una persona más joven. En las Lecciones para el Alma veremos cómo las mujeres tienen una gran influencia espiritual sobre sus hijos y pueden animar, ayudar y orar por otros.

Referencia: Tito 2: 3-5

Loida: Maiteĩ che angirũ, reikuaápa mba'épa he'ise mentora. Ko árape jahechakuaáta mba'éichaipa iporã pe tembiapo oja'pova umi tapicha ha'éva mentor ha mentora.

ko tembiapo oñepyrũ yma, tekove yvy ári oĩ guive. Kuimba'e apytépe oĩ ombo'éva mba'éichapa ikatu: rejuka mymba, rejapo óga, reñemitỹ, ha mba'eicha vaerãpa kuimba'e reko. Kuña nguéra ombo'e mitã kuñame ikatupyry hañgua tata jejapópe, tembi'ũ apópe, mba'éichapa omopotĩ vaerã hóga ha mba'éichapa kuña reko.

ko'aña rupi oĩ heta mitãkuña ha kuñataĩ ndoguerekóiva oñemoñe'éva ichupe. Ha'e kuéra ijehegui reĩnte oikuaa mba'éichapa oiko vaerã. Ikatu ityre'ỹ, térã ojeheja rei vaekue. Ikatu avei ñorairõ térã mba'asy rupive opyta ha'éño.

Pe mentora rembiapo tuicha mba'e. Oĩ heta mba'e jaikuaave vaerã umi oikuaavévagui. Pe mentora ñane moirũ ramo ha'ete ñane mbaretevéva, ikatu ja'e umi ñañandúva, mba'épa jaipota, umi vy'a'ỹ jahasáva, ha umi jajapo vai va'ekue. Iporã vaerã reguereko ramo nendive péichagua tapicha, reikotevẽ jave ikatu hañgua reñemongeta hendive.

Ñandejára ñe'ẽme jajuhu heta tapicha oguereko vaekue mentor. Sapy'ante umi lñangirũ nguéra ha'e umi mentor, ha Sapy'ante hogaygua apytépe ha'e pe tuichavéva.

Ruth ha Noemí rembiasakuégui jaikuaavéta mbo'epy ko árape.

Noemi ha'e Ruth suegra. Ha'e kuéra oiko oñondive. Ruth oho omono'ô trigo, ho'a va'ekue umi omono'ôvagui. Ruth oñangareko porã isuegra rehe ha isuegra katu oiko chupe ñguara imentora ramo.

Noemi ombo'e Ruthpe mba'éichapa oiko va'erã hapicha kuéra apytépe. Ombo'e avei chupe mba'éichapa va'erã kuña kuimba'e ndive hogaygua apytépe. Ruth ára ha ára ombyaty umi semilla ojuhúva ha ogueraha hógape ojapo hañgua chugui tembi'u. Ha'e kuéra oñangareko ojuehe tapiate. Oñondive oñomombarete. Ñandejára ohovasa Ruthpe ome'ẽ jey chupe iména ha

imembyrã. Ha Noemime katu ome'ẽ ijerno ha inietorã. Ha'e kuéra oñepyrũ jevy hogaygua pyahu ndive.

Nde rekove henyhẽ ramo kyhyje ha jerovia'ỹgui, ndaikatu mo'ãi rehechauka nde rapichápe ojerovia haḡua Ñandejára ñe'ẽ rehe. Nde hegui oiko haḡua peteĩ sy espiritual ne korasõ ipotĩ va'erã umi mba'e vai yma guare nembo py'aro ha nanembo vy'áivagui. Reikuaa va'erã péva rehe Ñandejára Jesucristo omano kurusu rehe. Ha'e ou ohepyme'ẽ ñane angaipáre. Bíbliape he'i "Ñamombe'u ramo ñane angaipa, Ha'e oñyrõta ñane angaipa ñanemopotĩ haḡua mba'e vaígui" (1ª. Juan 1:9) Añetehápe ejepy'a mongeta ha eheja Ñandejárape tomyanyhẽ ne korasõ ha nde rekove imborayhu, ipy'aguapy ha ivy'ápe ikatu haḡua reipytyvõ umi nde rapicha oikotevêvape.

Ñañembo'éna péva rehe Ñandejárape: Ore Ru Ñandejára reiméva yvágape, ko árape rovy'a ikatu rehe roñemboja ne rendápe. Rojerure ndéve ore pytyvõ haḡua ore rekovépe ikatu haḡua roguereko py'a guapy ha vy'a roipytyvõ haḡua umi ore rapicha ohasa asývape. Ore ñyrõ kena ore angaipágui ha torojerovia nde rehe ore py'aite guive. Nde Ra'y Jesús rérape rojerure ndéve. Taupéicha.